



Am Fufzehde.

Almonadlich, wann's an de fufzehde geht,
Guck ich zum Fenschder enaus,
Ob mit me versigelde Geldbriefspaket
Räⁿ Briefdräher kummd in meiⁿ Haus;
De Beidel so leer, un es Herz, ach, so voll,
De Maache so sehnsuchtskrank
Sich sadd se esse nor e ähnzigesmol!
Ach, Schtefan, waß bleibschde so lang!

Es is doch e hohes, e scheenes Gefiehl
Se wisse, mer hadd aah noch Mees
Kann esse un drinke so viel, als ich will
Selbscht Schambes mit Gänsewerflees
Sigaare mit Bauchbinne raache dezu,
Ja der is e glücklicher Mann,
Der uhne se bange, daß es all werd im Nu
So im Geld erum wuhle kann.

Doch dodevor, lärer Gott, iß merß gedahⁿ
 Wie ball bin ich abgebrennd;
 Un nerjends e Unfel, der mich nemmd aⁿ,
 Räⁿ Tande, die schderwe kennd,
 Un iweraal, wo ich de Blick nor hiⁿwenn
 Rafruse un Hannelsmann,
 So schtrecken se mir entgeje die Hänn
 Un jerer un jeres will hann.

Jetzt sitz ich dehäm in meine vier Wänn
 Bei Grumbeer un Kaffeebrieh
 Driebselig schtiz ich de Kobb in die Hänn
 Un guck zum Kalenner hiⁿ;
 De fufzehde erschd, noch fufzeh Daah
 Die Aussicht uff deß Dinneh
 Un doderbei will mir noch immer saah
 Un singe: Deß Lewe iß scheeⁿ!

